

Trans from Courtway Lib.
OCT 31 1999

赤水玄珠婦人門第二

產後乍見鬼神

中風恍惚

虛汗不止

口噤腰背反張

四肢筋掣

產後腰痛

產後寒疝腹痛

產後血瘕

三卷目錄

心神驚悸

虛極生風

汗多變瘕

產後中風

遍身疼痛

產後腹痛兒枕痛

產後兩脇脹痛

虛煩發熱



產後血渴

產後乍寒乍熱

產後瘧疾

嘔吐腹脹

氣急喘促

口鼻黑鼻衄

月水不通

四肢浮腫

腹痛泄瀉

赤白痢

大便秘澀

大小便不通

產後遺糞

產後諸淋

小便不禁

小便出血

玉門不閉

乳少或止

婦人蘭唇

赤水玄珠婦人門第二十三卷

新安生生子孫一奎著輯

產後乍見鬼神

產後如見鬼神或言語譫妄皆由血氣虧損陰虛發熱或瘀血停滯以致心神煩躁而然也宜以調經散治之

薛氏曰若敗血停滯用調經散若血虛發熱用八

珍加炮姜若心血虛損用栝子仁散大抵此証

皆由心脾血少所致但調補胃氣則痰清而神

自安矣若果係鬼祟所附即灸鬼哭穴可愈其
或不起者多因豁痰降火攻伐之過也

一產婦患前症或用調經散愈而復作仍服前散
益甚痰涎上湧朝寒暮熱乃早用八珍散夕用
加味歸脾湯各五十餘劑而愈

調經散 治血虛經閉心神煩躁渾身疼痛或時

見怪 沒藥 琥珀 桂心 白芍炒

當歸各七分 細辛五分 麝香少許 右為末每服半錢

姜湯酒各少許調服

栝子仁散 治產後元氣虛弱瘀血停滯狂言亂語

栝子仁 遠志 人參 桑寄生 防風

當歸炒 生地 甘草炙 各等分用白羊心壹

個水三盞煮清汁七分入藥五錢煎服

產後心神驚悸

薛氏曰人之所主者心之所主者血心血一虛

神氣不守此驚悸所由作也當補血氣為主

一產婦患前症二度服琥珀地黃丸局方妙香散

隨效再患服之其症益甚而脈浮大按之如無

發熱惡寒此血氣俱虛乃以十全大補加味歸脾二湯各百餘劑而愈後遇驚恐勞怒復作仍服前藥而安

琥珀地黄丸 治產婦惡露未盡胸腹作痛或小

便不利 琥珀 延胡索 糯米同炒去米 川歸 各一兩

蒲黃 四兩 生地 研取汁 生姜 各二斤研取汁留

內炒地黄滓以地黃汁炒生薑滓各乾為度 右為末蜜丸如彈子大

每服一九當歸煎湯化下

治血虛驚悸少寐及產後敗血停留少腹作痛

辰砂 琥珀 沒藥 當歸 分 右為末每服

二錢空心日午臨卧白湯調下

治產後驚悸亂語精神不定用好硃砂為細末每

以酒調下一錢

產後中風恍惚

產後恍惚因元氣俱虛心經血少或外邪所侵以

致心神恍惚怔忡不寧

薛氏曰當大補氣血為主而佐以後方為善蓋風

乃虛極之假象也固其本元諸病自退若專治

其風則速其危矣

一產後患前症盜汗自汗發熱晡熱面色黃白四肢畏冷此氣血俱虛用八珍湯不應更用十全大補加味歸脾二湯始應後因勞怒發厥昏憤左目牽緊兩唇抽動小便自遺作肝火熾盛用十全大補加釣藤山梔而安再用辰砂遠志丸而愈

辰砂遠志丸 產後中風驚狂起卧不安或痰涎

上湧 石菖蒲 遠志 去心芦用 人參 茯神

辰砂 各三錢 川芎 山藥 鉄粉 麥冬 細辛

天麻 半夏 南星 白附子 各一兩 為末

姜汁糊為丸菴荳大別以硃砂為衣每服三十丸姜湯送下

產後極虛生風

產後生風因去血過多氣無所主以致唇青肉冷汗出目眩神昏急服濟危上丹若投以風藥則悞甚矣

薛氏曰若心脾氣血虛用十全大補湯如不應加

附子鈞藤鈞若肝經血虛用逍遙散加鈞藤經
云脾之榮在唇心之液為汗乃心脾二臟虛極
急用參附湯救之

一婦患前症或用諸補劑四肢逆冷自汗泄瀉腸
鳴腹疼以為陽氣虛寒用六君子姜附各加至
五錢不應以參附加至一兩始應良久不服仍
前腸鳴腹痛後灸關元穴百餘壯及服十全大
補湯方効

濟危上丹 乳香 五靈脂 硫黃 玄精石

阿膠 卷栢 桑寄生 陳皮各等分 將上四味

入石器微火炒再研入餘末用生地黃汁丸梧
子大每服二十丸食前溫酒或當歸酒下

當歸建中湯 治產後腹痛拘急痛連腰背自汗

少食 當歸 桂心各三兩 白芍六兩 炙甘草二兩

每服五錢姜棗水煎入飴糖一匙以効為止

獨參湯 一切失血惡寒發熱作渴煩躁或口噤
痰鳴自汗盜汗氣虛脉脫手足逆冷蓋血生於
氣補氣者乃陽生而陰長也

產後虛汗不止

產後汗不止者皆陽氣頓虛腠理不密而津液妄
洩也若遇風則變痙縱虛之短氣則身體消瘦
唇口乾燥久則經水斷絕由津液竭故也

薛氏曰若血氣俱虛急用十全大補湯如不應參
附著附湯恐汗多亡陽發痙尤當用之王好古
曰頭汗出至頸而還額上偏多蓋額為六陽之
所會也由虛熱薰蒸而出竊謂前症當以部位
分之額左屬肝額右屬肺鼻屬脾頤屬腎額屬
心治者審之

一產婦略聞音响其汗如水而昏瞶諸藥到口即
嘔作脾氣虛憊用參附末為細丸時含三五粒
液下乃漸加至錢許却服參附湯而痊

一產婦盜汗不止遂致廢寐神思疲甚口乾引飲
乃血虛有熱用當歸補血湯以代茶又以當歸
六黃湯內黃芩黃柏炒黑倍加人參五味子二
劑而愈

麻黃根湯

產後虛汗不止身熱發渴驚悸不安

當歸 黃芪炒 麻黃根 牡礪煨 炙甘草

人參 各等分水煎服

產後氣脫汗不止小便短少四肢難以屈伸

炙甘草兩一 附子炮五錢 桂心 白芍炒各一兩五錢

每服三五錢加姜枣水煎服以効為止

止汗散 牡礪煨五錢 小麥麩炒兩 右為細末

每服三五錢猪油汁調下

人參湯 產後諸虛不足發熱盜汗內熱晡熱等

症 人參 當歸 等分為末猪腰子一枚切

片水二鍾糯米半合葱白二根煮取汁八分入

藥三錢煎服

當歸六黃湯 治氣血虛熱盜汗不止如不應加

人參 白朮 心血不足加炒酸枣仁

當歸 熟地 黃芪炒各二錢 生地 黃柏炒黑

黃芩炒黑 黃連炒黑各一錢 水煎服

參附湯 治陽氣虛寒自汗惡寒手足逆冷大便

自利或臍腹疼痛吃逆不食或汗多發瘧等症

人參兩一 大附子炮五錢 作一服加姜枣水煎徐徐飲下

當歸補血湯

治肌熱燥熱目赤面紅煩渴引飲

晝夜不息脉洪大而虛重按全無者

當歸錢三

黃芪

各一兩

水煎服

芪附湯

治陽氣虛脫惡寒自汗或口噤痰湧四

肢逆冷或吐瀉腹痛飲食不入及一切虛寒等

症

黃芪

一兩

附子

炮五錢

作一服加姜枣水

煎如不應倍加附子乃得全濟

汗多變瘧

產後汗多變瘧因氣血虧損肉理不密風邪所乘

口噤背強如癰或搖頭馬嘶不時舉發氣息如

絕宜速灌小續命湯若汗出兩手拭不及者不

治

薛氏曰此因去血過多元氣虧損或外邪相搏以

致牙關緊急四肢瘧強或陰火內動或腰背反

張肢體抽搐若有汗而不惡寒者曰柔瘧若無

汗而惡寒者曰剛瘧由亡血過多筋無所養故

傷寒汗下過多及瀆瘍而膿血大泄者多患此

乃敗症也急以十全大補湯治之如不應急加

大附子多有復甦者

一產婦牙關緊急腰背反張四肢抽搐兩目連劄

此去血過多元氣虧損陰火熾盛用十全大補

加炮姜一劑而甦數劑而安

小續命湯 治劄瘕或脚氣痺弱不能轉舒行步

歌側或口眼喎邪牙關緊急角弓反張

麻黃 桂心 甘草 各五錢 防風 白芍 炒

白朮 炒 人參 川芎 大附子 炮 防已 酒洗

黃芩 炒 各分 每用五錢水煎入姜汁少許溫服

若自汗為柔瘕者去麻黃有熱去附子減桂一

半盛冬初春去黃芩

產後口噤腰背反張

產後口噤由血氣虛而風邪乘於手三陽經也蓋

手三陽之筋循結于頷得風冷則筋急故致口

噤腰背孛急角弓反張者是風邪入於諸陽之

經也

薛氏曰若因血氣耗損腠理不密汗出過多而患

之者乃虛象也宜固氣血為主佐以本方丹溪

謂產後當大補氣血為先雖有它証以末治之
如惡寒發熱等症乃氣血虛甚之極也宜大劑
參芪歸朮肉桂以培養之如不應急用炮附子
再不應用人參一兩附子二三錢名參附湯倘
猶不應乃藥力未能及也宜多用之

婦人產後不省人事吐涎癱瘓

當歸 荆芥穗 等分三錢水一盞酒少許煎
灌之下即甦倘未應者當改用大補氣血藥

張文仲治前症用白朮四兩以酒濃煎頓服

產後中風

產後中風或氣血未復風寒所感以致筋掣拘急
口眼歪斜或肢體緩弱入臟則恍惚驚悸郭稽
中云產後強力下床或悞入房或憂怒內傷臟
腑陳無擇曰當以脉辯而治之若努力下床月
內入房憂怒者著艾非中風類乃蓐勞火邪之
症

薛氏曰若果外邪所屬形氣不足病氣有餘當補
元氣為主稍佐以治病之藥若強力下床月內

入房屬形氣病氣俱不足當純補元氣多有復甦者若悞投風藥乃促其危也

治產後身背拘急妄言發熱四肢拘攣不時驚悸

川芎 羌活 羚羊角 酸枣仁炒 芍藥炒

桑白皮一兩 防風一兩 每服六七錢水煎

治產後中風唇青鼻黑用小續命湯連進三服即愈

產後中風煩渴用紅蒼子五合 水煎徐々呷之

產後四肢筋攣

產後中風四肢筋脉攣急乃氣血俱虛或風邪客

於皮膚則頑痺羸乏若入於筋脉則四肢攣急皆由大經空虛風寒乘虛而漸入也

薛氏謂肝屬木而主筋若肝經風熱血燥用加味逍遙散如不應當用六味丸以補腎水

一產婦筋攣臂軟筋肉掣動此氣血俱虛而自熱也用十全大補湯而安

一產婦手麻服愈風丹遍身皆麻神思倦怠乃氣血虛弱以十全大補湯加炮姜數劑漸愈去姜繼服而安

產後遍身疼痛

產後遍身疼痛者由氣虛百節開張血流骨節以致肢體沉重不利筋脉引急發熱頭痛宜用趁痛散治之陳無擇云若兼感寒傷食宜用五積散若誤作傷寒發汗則筋脉抽搐手足厥冷則變為瘕當補氣血為主

薛氏曰若以手按而痛益甚是血瘀滯也用四物炮姜紅朮杏仁澤蘭補而散之若按而痛稍緩此是血虛也用四物炮姜人參白朮補而養之

趁痛散 產後骨節疼痛發熱頭重四肢不舉

牛膝

酒炒

甘草

炙

薤白

各一兩

當歸

各半兩

桂心

白朮

炒

黃芪

炒

獨活

生薑

各半兩

每用五錢水煎服

五積散 治風寒所傷遍身疼痛脚氣疼痛或寒

熱拘急嘔吐不食等症

當歸

浸

白芍

川芎

桔梗

各炒

厚朴

姜炒

乾姜

人參

茯苓

陳皮

白芷

蒼朮

半夏

姜制

肉桂

麻黃

炙甘草

各五分

入姜末

水煎服

產後腰痛

腎主腰脚產後腰痛者蓋腎為胞胎所繫此因產勞傷腎以致風冷客之若連背脊痛久未已後遇有孕必至損動

薛氏曰若真氣虛而邪乘之者當歸黃芪湯或十全大補為主佐以寄生湯如不應須十全大補加附子

一產婦腰痛腹脹善噫諸藥皆嘔乃脾虛血弱用白朮一味炒黃每劑一兩米泔煎時飲一匙四

劑後漸安服百劑全愈

如神湯

即生料五積散

加菝仁逐敗血去風濕

產後惡露不盡腰重痛或兩股痛如錐刺宜服菝仁湯若作癰用五香連翹湯

菝仁湯 治產後惡露不盡腹中作痛或流注腿

股作痛急用此湯治之如未應多變作癰須用

五香連翹湯

菝仁去皮

蘇木

生地

各半兩

蠶虫

去足炒

水蛭

炒各十枚

每服五錢姜

水煎空心熱服以惡露下為度

五香連翹湯 木香 丁香 沉香 射香

升麻 獨活 連翹 木通 桑寄生 各二兩

每劑五錢水煎入竹瀝少許服

當歸黃芪湯 治腰痛不可轉側或汗出壯熱氣

短 黃芪 壯 白芍藥 妙各二兩 當歸 三兩

每劑五錢水煎服

產後腰痛兒枕痛

產後腹痛或因外感內傷瘀血壅滯所致瘀血以

失笑散風寒外感以五積散內傷飲食以養胃

湯加山查治之

產後兒枕痛者乃母胎中宿血也其痛在小腹大

抵小腹痛多由惡露凝滯或外寒相搏若久而

不散必成血瘕月水因之而不調也

生生子曰設以手按之痛甚者瘀血也按之而痛

緩者或喜熱物熨之者此虛中有寒也當補而

溫之

山查濃煎汁入砂糖少許服之極治兒枕痛以其

能消瘀血故痛止也

隱居澤蘭湯 產後惡露腹痛或胸滿少氣

澤蘭 生地 當歸 芍藥炒 生姜各一錢

甘草分五 大棗四枚 水煎服

失笑散 治心腹痛產後瘀血上攻心腹疼痛而

牙關緊急一服而愈 五靈脂 蒲黃各一錢

醋水煎服五靈脂一味尤妙

夫岩密湯 治陽氣虛寒心腹作痛不食四肢厥

冷 生地 當歸 獨活 吳茱萸 炮姜

白芍藥炒 甘草炙 桂心各半 小蘗各一兩 細辛半兩

每帖五錢水煎服

延胡索散 產後惡血凝滯臍下作痛或作寒熱

延胡索 桂心各半 當歸一兩 為末食前熱酒

調下二錢 失笑散尤佳

當歸養血丸 產後瘀血心腹脹痛或腰脚疼痛

當歸 赤芍 丹皮 延胡索炒各二兩 桂心一兩

為末蜜丸梧子大每服五十丸溫酒下

金黃散 治惡露上冲肚腹作痛或發熱口渴

延胡索 蒲黃各一錢 桂心二分 為末酒調下

產後寒疝腹痛

良方曰產後臍腹作痛乃冷氣乘虛也用當歸建中湯治之陳無擇云若產當寒月人門臍下脹痛手不可近者用羊肉湯治之

生生子曰若驗其無瘀血而果為寒氣所侵蟠葱散亦佳如小水短瀉口渴內熱以龍胆瀉肝湯加青蒿徹其熱從小便出也亦有陽氣下陷者以補中益氣湯加芍藥桂心荔枝核

羊肉湯 產後脾虛寒邪所乘以致腹痛或頭眩

脇臍急痛

精羊肉

當歸

川芎

各半

生姜

一兩

水十盞煎四盞分四次服

蟠葱散

方見

產後兩脇脹痛

良方曰此因惡露不盡或肝經血虛或肝經氣滯當分而治之宜與脇痛門參治

一產婦因怒兩脇脹痛吐血甚多發熱惡寒胸腹

脹痛乃氣血俱虛用八珍加柴胡丹皮炮姜而

血頓止又用十全大補湯而寒熱退

此症為非姜桂辛溫

助脾胃以行藥勢不惟無以施其功而反助其脹耳

經効方 治產後肝經氣滯不平脇肋腹痛或寒

熱往來內熱晡熱 當歸一錢芍藥炒苦梗炒

枳實炒桂心 青木香 柴胡各六分

水煎服

當歸散 治產後陰血虛弱以氣滯血凝以致發

熱腹痛或腹脇脹滿以當歸一兩干姜一分每服三

錢水煎服

產後血瘕

良方曰產後瘀血與氣相搏名曰瘕謂其痛而無

定處此因風有風冷而輕則否澁重則不通

薛氏曰前症乃寒邪乘客氣血壅滯此因氣病而

血病也當補養胃氣調和月經寬緩靜養為善

難經云任脉為病男子內結七疝女子為瘕聚

然當與瘕聚門參治

治血瘕作痛臍下脹滿或月經不行發熱体倦

當歸八分桂心 芍藥炒血竭 蒲黃炒

延胡索炒為末空心酒調分二次服

葛氏方 治前症桂心為末每服一錢空心酒下
產後發熱

大全人參湯 治產後諸虛不足發熱盜汗

人參 當歸 等分為末以猪腰子一具去脂

膜切小片子以水三升粳米半合葱白二條煮

米熟取清汁一盞入藥末二錢煎至八分不拘

時溫服

羅氏犀角飲子 治產後亡津液虛損時自汗出

發熱困倦唇口乾燥 犀角 麥冬 白朮 各半兩

柴胡一兩 枳壳炒 生地 地骨皮 炙甘草

當歸 人參 茯苓 黃芩 黃芪各錢

右每服六錢入浮小麥七十粒姜三片水煎服

產後發熱多屬不足虛中有寒丹溪每以乾姜加

入補藥中取效不可不知

產後虛煩發熱

薛氏曰虛煩發熱乃陽隨陰散氣血俱虛若惡寒

發熱煩躁作渴急用十全大補湯若熱愈甚急

加桂附若作渴面赤宜用當歸補血湯若誤認

為火症投以涼劑禍在反掌王冰先生云大寒而甚熱之不熱是無火也熱來復去晝見夜伏夜發晝止不時而熱是無火也當治其心如大熱而甚寒之不寒是無水也熱動復止倏忽往來時動時止是無水也當助其腎故心盛則生熱腎盛則生寒腎虛則寒動於中心虛則熱收於內又熱不勝寒是無火也寒不勝熱是無水也 治法前症無水者六味丸無火者八味丸氣血俱虛者八珍湯或十全大補湯

人參當歸湯 治產後虛煩短氣發熱

人參 當歸 麥冬 桂心 生地 各二錢

大棗 四枚 粳米 一合 淡竹葉 二錢 芍藥 一錢 水煎服

產後血弱虛煩四物加茯神遠志服之

產後餘血不盡奔心煩悶生藕汁飲一二盞甚效

竹瀝亦佳

竹葉湯 產後短氣欲絕心中煩悶以此瀉之

竹葉 麥冬 小麥 各一升 甘草 一兩 生薑 二兩

大棗 十四枚 水一斗煮小麥竹葉至八升土渣納

餘藥煮取三升去渣温服 虛悸加人參二兩
氣力少加糯米五合

產後血渴

薛氏曰若出血過多虛火上炎用童子小便或四
物白朮麥冬丹皮若胃氣虛而有熱用竹葉歸
芪湯若血虛發熱用八珍加麥冬五味若血脫
發熱煩躁用當歸補血湯若胃氣虛弱用
益氣湯或七味白朮散
七味白朮散 治中氣虛弱津液短少口乾口渴

或因吐瀉所致 人參 白朮炒 白茯苓

木香 炙甘草 藿香 葛根各一錢 水煎服

竹葉歸薯湯 治胃氣虛熱口乾作渴惡冷飲食

竹葉一錢半 當歸一錢 黃芪二錢 白朮 人參

錢各一 麥冬七分 炙甘草五分 水煎服

產後乍寒乍熱

產後乍寒乍熱由血氣虛損陰陽不和若陰勝則
乍寒陽勝則乍熱宜用增損四物湯若因敗血
不散腹內作痛宜用奪命丹後用增損四物湯

隨病加減陳無擇云敗血流閉諸陰則寒流閉
諸陽則熱用大調經散五積散

薛氏謂陽氣不足陰氣上入於陽中而惡寒者用
補中益氣湯若因陰氣不足陽氣下陷於陰中
而發熱者用六味丸若氣血不足而惡寒發熱
者用八珍湯若病後寒熱倦怠者用補中益氣
湯若肌熱大渴目赤面紅者用當歸補血湯
一產婦惡寒發熱此血氣虛寒用十全大補加炮
姜而寒熱愈繼以補中益氣而肢體安

增損四物湯 人參 當歸 芍藥 川芎

乾姜炒各一兩 甘草四錢 每劑五錢姜水煎服

大調經散 治產後惡露未消寒熱自汗或肚腹

作痛 大芫炒去皮一兩半 茯神一兩 真琥珀錢

為末每服二錢空心濃煎烏荳紫蘇湯調下

產後癰疾

郭稽中曰產後乍寒乍熱者多是敗血為害或陰
陽不和若槩作癰疾治之誤矣

陳無擇曰產後寒熱或一二日或二三日一發或

先寒後熱或先熱後寒或寒多熱少或寒少熱多或純寒純熱者皆是瘧疾最難治療可用草果飲生熟飲四飲飲選而用之

薛氏曰此症當以補胃氣為主佐以草果飲之類若胃氣稍充以草果飲為主佐以補胃之劑大抵產後瘧疾因脾胃虛弱飲食停滯或外邪所感或鬱怒傷脾或暑邪所伏審係飲食用六君子加桔梗蒼木藿香如外邪多而飲少用藿香正氣散如外邪少而飲食多人參養胃湯勞

後所傷用補中益氣湯氣血虛弱用十全大補加炮姜中氣虛寒用六君加姜桂元氣脫陷急加附子蓋氣虛則寒血虛則熱胃虛則惡寒胃氣下陷則寒熱交作或吐嗎不食腹痛煩渴發熱譫語或手足逆冷寒戰如慄雖見百症但溫補脾胃其病自退

增損柴胡湯 產後虛熱寒熱如瘧食少腹脹

柴胡 人參 甘草 半夏 陳皮 川芎

白芍 炒 各等分每帖七錢入姜枣水煎

白茯苓散 產後蓐勞頭目四肢疼痛寒熱如瘧

白茯苓一兩 當歸 川芎 桂心 白芍炒

黃芪炒 人參各半兩 熟地四錢 右先以水三

盞入猪腎一雙姜束各三煎至二盞入前藥半

兩再煎至一盞許服之

猪腰子粥 產後蓐勞發熱用猪腰子一枚去膜

切片用鹽酒拌先用粳米一合入葱椒煮粥鹽

醋和將腰子鋪在碗底以熟粥傾蓋之如作盒

生狀空心服

黃芪建中湯 產後諸虛不足發熱或惡寒腹痛

黃芪炒一兩 白芍炒二兩 甘草炒七錢 肉桂一兩

每服五錢姜束水煎日二三服虛甚者須加附子為要

藿香正氣散 治外感風寒內傷飲食頭痛寒熱

或霍亂泄瀉或作瘧疾 藿香一錢 桔梗炒

大腹皮 紫蘇 半夏炒 茯苓 白芷

陳皮 白朮炒 厚朴制一錢 炙甘草五分

加姜束水煎服

人參當歸散 治去血過多內熱短氣頭痛悶亂

骨節作痛或虛煩咽燥有似瘡者 人參

當歸 生地 桂心 麥冬 白芍酒炒 各等

分粳米一合竹葉十片水三鍾煎二鍾納前藥

五錢束二枚煎至八分服 虛甚者用熟地

生生子曰按病机之要云治胎產之病從厥陰經

論之無犯胃氣及上中二焦謂之三禁不可汗

不可下不可利小便發汗者同傷寒下之早証

利大便則脉數而已動於脾胃利小便則內亡津

液胃中枯燥治之方法然無犯此二禁則營衛

自和而寒熱自釋

又有惡露不盡或風邪乘虛陷入血室者則晝日

清明夜則譫語寒熱或只發熱如見鬼狀此為

熱入血室用小柴胡湯加生地丹皮或四物加

柴胡棗仁

嘔吐腹脹及嘔逆不食

產後腹脹滿悶嘔吐者因血散於脾胃不能運

化而致宜用抵聖湯治之

薛氏謂若飲食停於脾宜用六君厚朴若飲食傷

於胃宜用六君子湯或加破仁神曲之類大丸
損其脾者當節其飲食善

抵聖湯 赤芍藥 半夏 澤蘭葉 人參

陳皮 炙甘草 各一錢 生姜 焙乾 半兩 水煎極効

胃為水穀之海以養臟府產後胃氣虛弱飲食所
傷必致嘔逆不食也治法不過溫養脾胃審其
所傷之物而推治之或有陽氣衰微火不生土
者八味丸若嘔吐泄瀉手足俱冷或肚腹作痛
乃虛寒極矣急用理中湯加附子桂心而甦者

一產婦朝吐痰夜發熱日夜無寐或用清痰降火
肌體日瘦飲食日少前症愈甚詎思早吐痰脾
氣虛夜發熱肝血虛晝夜無寐脾血耗也遂用
六君子加逍遙散歸脾湯以次調補而痊

開胃散 治產後胃虛嘔吐胸滿不食

訶子肉 一兩 半 人參 一兩 炙甘草 半兩

每劑五錢姜水煎服

產後胃虛嘔逆 橘紅 一兩 半夏 炙甘草 各半兩

藿香 三兩 每劑五錢姜水煎服

治產後嘔逆不食

白朮

錢五

生姜

錢六

水煎徐服

石蓮散

產後胃寒咳逆嘔吐不食或腹作脹

石蓮肉 一兩半

茯苓 一兩

丁香 半兩

為末每二錢姜湯或米飲調下日三次

錢氏益黃散

脾土虛寒水反來侮以致嘔吐不

食或肚腹作痛或大便不時手足逆冷等証

陳皮

一兩

青皮

訶子肉

炙甘草

丁香

各二錢

每服四五錢水煎服

人參養胃湯

治外感風寒內傷飲食寒熱頭痛

或變癘疾

半夏

厚朴

制

橘紅

各八分

藿香葉

草果

茯苓

人參

各五分

蒼朮

一錢

炙甘草 三分

右姜七片烏梅一箇水煎服

產後喉中氣急喘促

產後喉中氣急喘促因營血日涸衛氣無主獨聚

於肺名曰孤陽竅為難治也石因敗血停凝服奪

命丹若因營血暴絕服芎藭湯若因風寒所傷

服旋覆花湯因氣鬱結小調經散若傷飲食服

見現丸

薛氏曰若脾胃氣虛用六君桔梗若兼外邪更加紫蘇中氣虛寒補中益氣加炮姜肉桂若陽氣虛脫更加附子若瘀血入肺急用二味參蘇飲一產婦喘促自汗手足俱冷常以手護臍腹此陽氣虛脫用參附湯四劑而愈

二味參蘇飲 治產後血入於肺面黑發喘欲死

人參一兩 蘇木二兩 水煎頓服

旋覆花湯 治傷風寒暑濕喘嗽太盛坐卧不寧

旋覆花 赤芍藥 半夏曲 前胡 甘草

荆芥穗 五味子 茯苓 麻黃 杏仁

各等分每以五錢姜枣水煎服有汗者勿服

五味子湯 治產後喘促脉伏而厥 五味子炒

人參 杏仁各二錢 麥冬 陳皮各一錢

右姜三片枣二枚水煎服

芎藭湯 芎藭 當歸 白芍等分 每五錢水煎服

產後口鼻黑鼻衄

產後口鼻起黑氣及鼻衄者蓋陽明經脉之海起於鼻交頰中還出頰口交人中左之右右之左

此產後氣虛營血散亂胃絕肺敗之症也急取
緋線一條并產婦頂心髮二根緊繫中指節更
無可療

薛氏曰按胃脉俠口繞承漿蓋鼻準屬脾土鼻孔
屬肺金誠胃虛肺損氣脫血死之症急用二味
參蘇飲加附子五錢亦有獲生者

產後月水不通

產後乳子周歲而經不行是其常也若半歲而經
行此血有餘也若一二歲不行而無疾不必服

藥若肢體倦怠食少內熱是血少也宜健脾胃
若以藥通之則誤矣

薛氏曰脾胃虛弱用六君子若兼鬱火傷脾用歸
脾湯加丹皮山梔若怒火傷血宜四物合小柴
胡氣血俱虛八珍湯加丹皮

產後四肢浮腫

產後四肢浮腫者乃敗血乘虛流注宜用小調經
散陳無擇云若風邪乘於氣分皮膚腫而浮虛
乃氣也若皮膚腫如熟李乃水也蓋氣腫者宜

發汗水腫者宜利小便

薛氏謂若寒水侮土宜養脾肺若氣虛浮腫宜益

脾胃若水氣浮腫宜補中氣仍參水分血分治而

一產婦飲食少思服消導之劑四肢浮腫乃中氣

不足朝用補中益氣湯夕用六君子而愈後因

怒腹脹誤服沉香化氣丸吐瀉不止飲食不進

小便不利肚腹四肢浮腫用金櫃加減腎氣丸

而愈

小調經散 沒藥 琥珀 桂心 芍藥 當歸

各一錢

為末每服五分姜汁温酒調

大調經散 最治腫滿喘急煩渴小便不利

方具乍寒乍熱卷

治血虛氣腫水腫 澤蘭葉 防已等分 為末每

以二錢温酒調下或醋湯亦可

金櫃加減腎氣丸 治脾腎虛寒腰重脚腫温飲

留積小便不利或肚腹脹腫四肢浮腫氣喘痰

甚或已成水症其効如神 白茯苓三兩 牛膝

附子五錢 桂心 車前子 山茱萸兩 丹皮

山藥 澤瀉各一兩 熟地黄四兩 為末煉蜜丸梧

子大每服七八十九丸空心米飲下

產後腹痛瀉利

產後腹痛瀉利因腸胃虛弱寒邪乘襲或水穀不

化洞泄腸鳴或手足逆冷用調中湯治之陳無

擇謂若六淫七情而致者當隨所感而治之

若胸膈飽脹或惡食吞酸此飲食停滯用六君

枳實山查以消導若食既消而仍痛更或頭痛

熱渴惡寒欬嘔此中氣被傷用補中益氣半夏

茯苓以益脾胃

調中湯 良姜 雷煇 桂心 芍藥 附子炮

川芎各一兩 甘草錢五 每服五錢水煎

五味子散 產後泄瀉或腎泄在五更侵晨作瀉

飲食不進或大便不實登廁無時

五味子炒三兩 吳茱萸炒五錢 共為末每以二錢白

湯調下為丸尤妙

四神丸 治脾腎虛弱侵晨五更作瀉或全不思

食或食而不化大便不實 破紙故炒四兩

肉苳寇

二兩生用

五味子

二兩

吳茱萸

炒四兩

為末

用大紅棗四十九枚生姜四兩以水共煮爛去

姜以枣肉和藥搗為丸梧子大空心鹽湯下

二神丸 治同即前四神丸減去五味子吳茱萸

產後赤白痢

產後痢疾因飲食六淫七情傷於脾胃或滲大腸

皆為難治若飲食不進謂之虛痢氣宇不順謂

之氣痢寒熱溫良升降調補各隨所宜而施治

之○白屬氣分而赤屬血分也若米食所傷用

六君加穀蘖若麩食所傷加麥蘖若肉食所傷

加山查神曲凡兼嘔吐俱加藿香若兼噯酸或

嘔吐用前藥送越鞠丸若肝木尅脾土用六君

加柴胡炮姜若寒水反來侮土用錢氏益黃散

若久瀉或元氣下陷兼補中益氣湯以升發陽

氣若瀉痢色黃乃脾土真色宜加木香肉苳寇

若屬脾土虛寒六君加木香姜桂若脾腎虛寒

用補中益氣湯及四神丸若下元虛寒用八味

丸以補土毋若以小便澀滯肢體漸腫或兼喘

咳用金櫃腎氣丸以補脾腎利水道若胃氣虛弱而四肢浮腫須補胃為主若久而不愈是氣虧損也必用四神丸六味丸八味丸三方以補足三陰若用分利導水之劑是虛其虛也

產後痢疾作渴者乃內亡津液或胃氣虛不生津液但止其渴其痢自瘥○若渴而不喜冷飲屬胃氣虛故無津液宜用七味白朮散或錢氏白朮散如夜間發熱口渴屬腎氣虛而不能潤宜六味丸並佐以益氣湯以滋化源

一產婦瀉痢發熱作渴吐痰肌躰消瘦飲食少思或胸膈痞滿或小腹脹墜年餘矣乃脾腎之瀉朝用二神丸夕用六君子三月餘而痊

一產婦患前症形躰倦怠飲食不進與死為鄰此脾胃俱虛也用四神丸十全大補湯而愈

產後大便秘澁

產後大便秘澁因腸胃虛弱津液不足若小腹悶脹宜服麻仁丸潤之若用寒藥則促其危矣

薛氏曰若計其日期飲食數多即用藥通之禍在

反掌之間必待腹滿覺脹欲去不能者乃結在
直腸宜用猪胆汁導而潤之若服苦寒疏通反
傷中氣通而不止或成痞症若去血過多宜用
十全大補血虛火燥用加味四物氣血兩虛用
八珍湯雖數日不通飲食如常腹中如故仍用
八珍加杏仁爽仁治之若泥其日期飲食而強
通之則誤矣

一產婦大便七日不通飲食如常腹中如故此腹
未滿也用八珍加爽杏仁至二十一日腹滿發

行用猪胆汁潤去而安

一婦大便秘澁諸藥不應苦不可言飲人乳而安

麻仁丸

火麻仁

研如泥

枳壳

人參

各四分

大黃二分右為末入麻

仁煉蜜丸如梧子大每服

二十九丸空心溫酒下未通漸加不可過服

阿膠枳壳丸

治產後大便秘澁以阿膠枳壳二

味等分為末蜜丸梧

子大滑石末為衣白湯送

下二十九丸未行再服

產後大小便不通

良方曰此因腸胃虛弱津液枯竭故也宜參前秘結門詳治
一產婦大小便不通諸藥不應將危矣令飲牛乳
一日稍通三日而痊人乳尤善

菝花散 治膀胱氣滯血澁大小便秘

菝仁 葵子 滑石 楨即 各等分為末每

以三錢空心葱白煎湯調下

產後遺糞

良方取故燕窠中草燒為末或枯礬牡礪或白歛

芍藥各等分為末俱用酒調服或用固腸亦可

薛氏曰若脾腎虛弱用還少丹仍以補中益氣湯

為主虛寒加肉苳藪補骨脂或四神丸若脾腎

虛寒兼八味丸仍佐前二方

一產婦小便出糞名大小腸交乃氣血俱虛失行

常道先用六君子湯二劑又用五苓散一劑而

痊循常腸交亦可做治

還少丹 治脾腎虛寒飲食少思發熱盜汗遺精

白濁又治真氣虧損肌體瘦弱等症 肉苳藪

遠志去心 茴香 巴戟 山藥 牛膝 熟地

枸杞子 石菖蒲 山茱萸 內 楮寔子

五味子 杜仲 去皮 姜炒 白茯苓 各二 兩 各另為末

束肉百枚加煉蜜為丸如梧子大每服五七十

丸空心酒下

產後諸淋

良方謂乃熱客於脬虛則頻數熱則澀痛氣虛兼

熱血入胞中則血隨小便出而為血淋也

薛氏云若膀胱虛熱用六味丸若陰虛而陽無以

化用滋陰腎氣丸蓋土生金生水當滋化源

也與小便淋瀝頻數卷叅治

滑石散治熱淋 滑石 五 通草 車前子

葵子 各四 分 右為細末漿水調服

治小腸有熱小便澀痛或為血淋

藟麥 黃芩 冬葵子 各二 兩 通草 二 兩 大棗 十二 枚

右水六升煎二升半分二服

治脾氣不利小便不通

橘紅為末以二錢空心温酒下

治肺氣不利小便不通 杏仁 十四 枚 去皮尖炒之

治脬轉小便不利 滑石半錢 寒水石一錢 煎服

一產婦小水淋瀝或時自出用分利降火之劑二

年不愈此肺腎氣虛用補中益氣湯六味地黃

丸而痊

凡產婦小便頻數者乃氣虛不能制故也

小便不禁

廣濟方治產后小便不禁用雞毛燒灰千金翼用

白薇芍藥為末俱用溫酒下日三服或桑螵蛸

半兩龍骨一兩為末每二錢粥飲調下

薛氏謂若脾肺氣虛用補中益氣湯若肝腎陰虛

六味地黃丸若肝腎虛寒用八味丸

補脬飲 治胞破小便淋瀝 生絹黃色者一尺

白牡丹皮用根 白芩各一錢 水一碗煎至絹爛溫

服服後忌言語否則無功

雞內金散 治氣虛溺床用雄雞肫脰并腸燒為

末以溫酒調下

產後小便出血

此因虛熱血滲於脬也以亂髮洗淨燒為末米飲

調服或滑石末一錢生地黃汁調下

一產婦尿血面黃脇脹少食此肝木乘脾土也用
加味道遙補中益氣煎服而愈後為懷抱不禁
食少躰倦驚悸無寐便血復出用加味歸脾湯
二十餘劑將愈惑于衆論服犀角地黃湯諸症
復作仍守前湯而愈

產後陰脫玉門不閉

此因坐產努力舉動房勞所致或脫肛陰挺逼迫
腫痛小便淋瀝

薛氏謂氣血虛弱宜用十全大補湯若腫脹焮痛
肝經虛熱也加味道遙散若憂怒肝脾氣血傷
也加味歸脾湯若暴怒肝火血傷也龍胆瀉肝
一產婦玉門不閉發熱惡寒用十全大補湯加五
味子數劑而寒熱退用補中益氣加五味子數
劑而玉門閉矣

硫黃散 產後陟氣虛寒 硫黃 烏賊魚骨

五味子 各半 為末 參患處 一方 蛇床子

炒熱帛包熨患處亦治陰腫

產後乳少或止

乳汁乃氣血所化若元氣虛弱則乳汁短少初產
乳房焮脹此乳未通若暴怒乳出肝經風熱若
累產無乳此內亡津液蓋乳汁資於衝任若婦
人疾在衝任乳少而色黃生子則怯弱而多疾
薛氏云此氣血虛弱而不能化生宜壯脾胃怒動
肝胆而乳腫汁出宜清肝火屢產無乳或大便
澀滯當滋化源氣血旺則乳汁溢
一產婦因乳少服藥通之致乳房腫脹發熱作渴

此氣血虛以玉露散補之而愈

湧泉散

能通乳

王不留行

麥門冬

瞿麥

龍骨

各二錢

右用猪蹄汁一碗酒一杯煎服良

又以木梳于乳房上梳下忌姜椒辛辣

玉露散

乳脉不通身軀壯熱頭目昏痛大便澀

滯

人參

茯苓

桔梗

炒

芍藥

各一錢

甘草

一分

右咬咀水煎服愈

凡未產而乳先出謂之乳泣生子多不育
產婦氣血方盛乳房作脹或無兒飲因而脹痛增

寒發熱用麥芽二三兩炒熟水煎服之立消
一產婦勞役或乳汁來如湧泉昏昧吐痰此陽氣
虛而厥也灌以獨參湯而甦更以十全大補湯
數劑而安矣
一婦乳頭裂破以秋茄子裂開者陰乾燒存性為
末水調塗之而愈

婦人繭唇

內經曰脾氣開於口又曰脾之榮在唇蓋燥則乾
熱則裂風則暍寒則揭若腫起白皮皴裂如蚕

繭名曰繭唇有腫重出如繭者有本細末大如
繭如瘤者其因或胎產經行而陰血損或七情
動火而榮血虧或心火傳授脾經或厚味積熱
傷脾大要審本症察兼症補腎水生脾血則燥
自潤火自除風自息腫自消若患者忽略治者
不察內用清熱消毒之藥外用追蝕線結之法
反為敗症慎哉

婦懷抱久鬱或時胃口嘈辣胸膈不利月水不
調晡熱食少身倦唇腫已年餘矣此脾經鬱火

傷血用歸脾湯加姜汁炒黃連 山梔少佐吳茱萸
黃連去飲食少進乃去黃連加貝母遠志
胸膈通利飲食如常又用加味
逍遙散歸脾湯
間服百餘劑月水調而唇瘡愈
一婦月經不調而足發熱至年餘 而身亦熱勞則
足腿痠疼又年餘唇腫裂痛又 半年唇裂出血
形躰瘦倦飲食無味月水不通 唇下腫如黑棗
此肝脾血虛火症也彼不信用 遇經藥而歿
一婦口苦腸脹此肝火之症也 用 小柴胡加山梔

黃連少愈更以四君子加芍藥 當歸柴胡調補
脾胃而瘥

婦每怒口苦發熱晡熱此肝火 盛而血傷也以
小柴胡合四物二劑以清火而 生血更以四物
加柴胡白朮茯苓丹皮生血健脾而安

一婦因怒齒痛寒熱作嘔用清胃 等藥益甚乃肝
火傷胃寒涼復傷故也用六君 子加芍藥柴胡
山梔而安

一婦胃中嘈辣甚則熱痛後患齒 痛此胃中痰火

也以二陳加芩連吞越鞠丸而瘳

一婦因怒牙疼寒熱此肝火侮脾土用小柴胡加

芎歸苓朮山梔而疼痛止用加味道遙散而寒

熱退

清胃散 治醇酒厚味唇齒作痛或齒齲潰爛或

連頭面頸項作痛 黃連錢炒半一 川歸 生地

丹皮錢各一 升麻錢二 右水煎服 如寔熱便秘加

大黃

加味清胃散 即前方加犀角甘草連翹

此方在

涼膈散 治積熱煩渴面赤內熱頭昏咽痛便秘

赤澁狂言譫語睡卧不安 大黃 朴硝錢各一

甘草錢一 連翹錢二 梔子 黃芩 薄荷錢各二 水煎服

補黃散 治脾胃虛熱口舌生瘡畏冷飲食

人參 白朮錢各一 白芍錢炒 陳皮 甘草錢各五分

右姜枣水煎服

四順清涼飲 加山梔大力子名加味清涼飲

治臟腑寔熱秘結口舌生瘡 當歸 赤芍

甘草 大黃錢各一 右水煎服

人參安胃散 治服峻劑損脾胃口舌生瘡

人參 茯苓 黃耆 生甘草

炙甘草 黃連 白芍 水煎服

溫中丸 一名人參理中丸 治中氣虛熱口舌

生瘡不喜飲冷肢躄倦怠少思飲食

人參 炙甘草 白朮 為末姜汁糊為

丸梧子大每服五十九白湯送下

辨華散 治熱毒口瘡

黃柏 蒲黃 青黛 人中白

此頁在後

右等分為細末敷之

四物湯 治血熱口舌生瘡或牙齦腫潰發熱煩

躁不安

加味四物湯 即四物加丹皮柴胡山梔



四物二連湯 治血熱口舌生瘡或夜發寒熱

當歸 熟地 白芍 川芎 胡黃連

川連 水煎服之

甘桔湯 治咽喉腫痛 甘草 苦梗

右水煎服



十三卷

五

